

Jačanje otpornosti na prirodne katastrofe i unapređenje strategije pripravnosti - PREPS

DIREKTNI POZIV ZA PARTNERSKE MJESNE ZAJEDNICE UKLJUČENE U PROJEKAT PREPS II

O PREPS II PROJEKTU

Projekat “Jačanje otpornosti na prirodne katastrofe i unapređenje strategije pripravnosti” u Bosni i Hercegovini (BiH) i Srbiji – PREPS II¹, koji se finansira sredstvima Američke agencije za međunarodni razvoj – Ured za humanitarnu pomoć (USAID BHA), realizuje Catholic Relief Services (CRS) sa partnerima za Srbiju, Caritas Srbije i dobrotvorna fondacija SPC Čovekoljublje. Cilj projekta je da BiH i Srbija postanu otpornije na ponavljajuće prirodne i druge nesreće i katastrofe. Projektom PREPS II će se podstaći i unaprijediti saradnja između partnerskih lokalnih zajednica uključenih u Projekat PREPS II, mjesnih zajednica i drugih organizacija koje su u sistemu smanjenja rizika od katastrofa.

Program dodjele malih grantova jedna je od komponenti Projekta PREPS II, koja ima za cilj da mještani mjesnih zajednica unaprijede svoja znanja i vještine uključujući se u aktivnosti smanjenja rizika od prirodnih i drugih nesreća. Mali grantovi treba da imaju pozitivan efekat na jačanje pripravnosti mjesnih zajednica i njihovog aktivnog učešća u upravljanju rizicima od prirodnih i drugih nesreća. Lokalne zajednice u BiH uključene u Projekat PREPS II, a čije mjesne zajednice i organizacije civilnog društva imaju mogućnost apliciranja za dodjelu malih grantova su: Konjic, Kladanj, Šekovići i Čelić.

UVJETI I PROCEDURE ZA APLICIRANJE

Kroz program dodjele malih grantova, finansiraće se najbolje ocijenjeni projektni prijedlozi koje predlože:

- mjesne zajednice (MZ) kako bi provele mjere i aktivnosti prepoznate u akcionim planovima izrađenim u okviru Projekta;
- relevantne organizacije civilnog društva (OCD) kako bi riješile prioritetne potrebe iz predmetne oblasti.

Mjesne zajednice i relevantne organizacije civilnog društva mogu u prijedlog projekta uključiti i druge lokalne aktere koji će doprinijeti finansiranju i provođenju prijedloga projekta, kao što je uspostava saradnje s jedinicom lokalne samouprave (JLS).

Mali grantovi trebaju biti od koristi za širu zajednicu i usmjereni na jačanje informiranosti i educiranosti građana i provođenju adekvatnih preventivnih mjera i mjera ublažavanja u cilju smanjenja nivoa rizika od prirodnih i drugih nesreća.

Mjesne zajednice koje su uključene u PREPS II projekat i koje imaju mogućnost predlaganja projekata su: Čelebići, Trešanica, Glavatičevo, Podorašac i Neretvica.

Mogućnost predlaganja projekta imaju i sve relevantne organizacije civilnog društva čije su oblasti djelovanja smanjenje rizika od prirodnih i drugih nesreća kroz jačanje svijesti kod stanovništva o mogućim rizicima, sprječavanje i upravljanje rizikom od nastanka kriza, prirodnih i drugih nesreća, jačanje lokalnih kapaciteta za smanjenje rizika od prirodnih i drugih nesreća, izgradnja kulture prevencije rizika i podizanje svijesti o potrebama jačanja spremnosti i otpornosti zajednica na prirodne i druge nesreće sa fokusom na pripravnost i prevenciju, rad i promoviranje zaštite i očuvanja životne sredine i smanjenja negativnih uticaja klimatskih promjena, kao i zaštita i spašavanje.

¹ Jačanje otpornosti na prirodne katastrofe i unapređenje strategije pripravnosti” u Bosni i Hercegovini i Srbiji – PREPS II . Period implementacije maj 2023 - maj 2025.

Mali grantovi će se dodijeliti mjesnim zajednicama i relevantnim organizacijama civilnog društva čiji projektni prijedlozi ispune kriterije i budu ocijenjeni sa najvećim brojem bodova.

U slučaju da dva ili više prijedloga projekata imaju isti broj bodova prednost će se dati projektima koji:

- uključuju veći broj učesnika kroz aktivizam i volonterski rad mještana mjesne zajednice;
- MZ / OCD sa većim brojem žena i mladih u svom radu i procesu donošenja odluka;
- MZ / OCD koje kroz svoje aktivnosti djelovanja uključuju osobe sa invaliditetom.

Svaka od OCD i uključenih MZ može aplicirati pojedinačno i dostaviti samo jedan prijedlog projekta, ili se mogu udružiti i kandidirati zajednički projektni prijedlog (dvije ili više MZ ili OCD i MZ), **a koji će se posmatrati kao jedan prijedlog projekta**. U tom slučaju ne udružuju se raspoloživa sredstva za realizaciju projektnog prijedloga.

Za potrebe pripreme i realizacije projekta, MZ i OCD, mogu uključiti i druge institucije, pojedince i OCD. U tom slučaju, oni ne mogu biti direktni korisnici roba i usluga, te njihov angažman ne može biti finansijski kompenziran kroz budžet prijedloga projekta.

CRS će izvršiti nabavku roba i usluga za odobrene male grantove. CRS će u saradnji sa imenovanim predstavnikom Radne grupe Grada i MZ/OCD, nadgledati provođenje aktivnosti kroz male grantove. JLS može sufinansirati realizaciju malih grantova sa maksimalno 49% vlastitih resursa u odnosu na vrijednost malog granta, a koji mogu biti osigurani kroz udruživanje sredstava, osiguranje osoblja ili opreme. Ako bude potrebno JLS će osigurati neophodne dozvole za provođenje malih grantova. Medijsku promociju malih grantova potrebno je prethodno koordinirati i za istu dobiti saglasnost od CRS-a. Medijska promocija može uključivati izjave za medije, medijsko praćenje događaja, izradu projektnih tabli, objave na web stranicama, upotrebu logotipa projekta i sl.

Prijedlog projekta može obuhvatiti sljedeće aktivnosti usmjerene na smanjenje rizika od prirodnih i drugih nesreća u mjesnim zajednicama:

- čišćenje kanala i propusta za odvodnju oborinskih voda u MZ u kojima je povećan rizik od poplava;
- ekološke akcije čišćenja otpadnog materijala i nanosa, šiblja i samoniklog rastinja sa obalnih pojasa korita rijeka i potoka (koje su u nadležnosti JLS);
- akcije pošumljavanja degradiranih i opožarenih područja;
- čišćenje ili uklanjanje divljih deponija;
- nabavku opreme koja će doprinijeti povećanoj otpornosti MZ na prirodne i druge nesreće (primjer oprema za unapređenje sistema ranog upozorenja, gašenje početnih požara, za uklanjanje snijega i leda u ruralnim područjima, lična zaštitna oprema, ručni alati i uređaji za čišćenje i održavanje površina itd.);
- provođenje obuka i osposobljavanje;
- opremanje povjerenika civilne zaštite u MZ materijalno-tehničkim sredstvima za efikasnije djelovanje u slučaju prirodnih i drugih nesreća i katastrofa;
- provođenje kampanja za unapređenje i jačanje znanja mještana MZ u prevenciji i pripravnosti na prirodne i druge nesreće i katastrofe, provođenje savremenih edukativno-informativnih i kampanja jačanja svijesti, kampanja o važnosti razumijevanja rizika, kampanja kako bi se unaprijedilo znanje o odgovarajućim radnjama i postupcima za pripremu i odgovor na događaj nesreće i katastrofe, razvijanje svijesti građana o uticaju klimatskih promjena na rizike od katastrofa, o važnosti očuvanja životne sredine i sl;
- ublažavanje uticaja prirodnih i drugih nesreća i katastrofa na ranjive i ugrožene grupe stanovništva;
- obilježavanje evakuacionih puteva, objekata i sl.;
- procjene, analize, izrada tehničke dokumentacije, studija i planova za prevenciju i zaštitu od prirodnih i drugih nesreća;
- ostale aktivnosti usklađene sa projektnim ciljevima i kriterijima.

Prijedlog projekta dostavljen od strane MZ / OCD treba:

- uključiti identificirane aktivnosti proizašle iz akcionog plana za smanjenje rizika od prirodnih i drugih nesreća (u daljem tekstu: Akcioni plan);²
- biti realiziran na teritoriji jedne ili više mjesnih zajednica uključenih u Projekat PREPS II;
- mobilisati članove MZ na učešće (kroz volonterski rad, angažman mašine, logističku podršku, itd.);
- uključiti pripadnike ranjivih grupa iz MZ kroz pripremu ili učešće u provođenju malog granta;
- uzeti u obzir pravilno i odgovorno korištenje prirodnih, kulturnih, historijskih ili bilo kojih drugih materijalnih i nematerijalnih resursa;
- osigurati da su predloženi troškovi realni i ne prelaze maksimalni iznos malog granta **od 3.000,00 USD - 5.250,00 BAM** (maksimalni iznos jednog malog granta koji ne uključuje troškove poreza na dodanu vrijednost, PDV). Sve OCD koje dobiju ova sredstva mogu ostvariti pravo na povrat PDV-a preko Uprave za indirektno oporezivanje;
- ukoliko je potrebno, osigurati uključivanje JLS u realizaciji malog granta;
- uključiti pokazne vježbe o korištenju opreme / obuke / kampanje o podizanju svijesti građana;
- obezbjediti da predmet prijedloga projekta i aktivnosti na realizaciji nemaju direktni ili indirektni negativan uticaj na okoliš i zdravlje ljudi³. Mali grantovi trebaju imati pozitivan uticaj na okoliš.

Aplikacioni obrazac sa budžetom/proračunom je potrebno dostaviti u formularu koji je u prilogu ovog dokumenta (Prilog A). Nepotpuni projektni prijedlozi, kao i oni koji pristignu izvan navedenog roka, kao ni prijave na neodgovarajućim obrascima neće biti uzete u razmatranje.

Komisija formirana za Projekat PREPS II, će razmatrati dostavljene prijedloge projekata (što može uključivati i obilazak terena ovisno od vrste i kompleksnosti prijedloga) i bodovati u skladu sa kriterijima koji slijede u nastavku dokumenta. Nakon odabira projektnih prijedloga, rezultati će biti objavljeni na web stranici Grada Konjic <https://www.konjic.ba/>.

Svim podnosiocima projektnih prijedloga će se omogućiti period od 8 dana za dodatna pitanja i eventualne prigovore na odluku komisije. Prigovori se dostavljaju na adrese navedene u nastavku poziva. Nakon isteka roka od 8 dana, CRS i JLS će potpisati tripartitne ugovore sa korisnicima malih grantova. U okviru ugovora o malim grantovima bit će definirane sve obaveze i odgovornosti ugovornih strana u procesu, uključujući eventualno novčano i nenovčano učešće JLS u realizaciji malih grantova.

KRITERIJI ZA PROCJENU I BODOVANJE PRIJEDLOGA PROJEKTA

Eliminatorni kriteriji su:⁴

1. Prijedlog projekta uključuje aktivnosti na jačanju kapaciteta i smanjenju rizika od prirodnih i drugih nesreća i katastrofa;
2. Prijedlog projekta ispunjava administrativne kriterije (dostavljena tražena dokumentacija);
3. MZ je pripremila Akcioni plan⁵ koristeći metodologiju Lokalnog upravljanja rizicima (LUR);
4. Mali grant se implementira u najmanje jednoj uključenoj MZ;
5. Prijedlog projekta uključuje volontersko djelovanje minimalno 20 učesnika;
6. Realizacija aktivnosti malog granta ne traje duže od 30 dana. Za MZ rok za realizaciju se računa nakon što CRS obezbjedi robe i usluge i isporuči ih MZ. Za OCD rok za realizaciju malog granta počinje nakon potpisivanja tripartitnog ugovora. U oba slučaja mali grant se smatra završenim kada se CRS-u dostavi završni narativni izvještaj, a u slučaju OCD i finansijski izvještaj;
7. Tražene robe i usluge su procijenjene realno i u skladu sa navedenim iznosom;

² Samo u slučaju projektnih prijedloga partnerskih MZ

³ Pojam „životna sredina“ se upotrebljava u širem smislu te podrazumijeva ne samo ekološke aspekte, već i pitanja zaštite ljudi i pitanja od značaja za društvenu zajednicu, kao što su kulturna dobra, nenamjerno raseljavanje i uticaj na domaće stanovništvo

⁴ Projekti koji ne ispunjavaju gore navedene kriterije neće se uzeti u dalje razmatranje.

⁵ Samo u slučaju projektnih prijedloga partnerskih MZ

8. Mali grant je provodiv u okviru predviđenih sredstava, vremena i ljudskih resursa;
9. Aktivnosti malog granta nemaju negativan uticaj na životnu sredinu i zdravlje ljudi.

Dodatni kriteriji su:

1. Prijedlog projekta je u skladu sa Akcionim planom MZ⁶;
2. Prijedlog projekta jasno prezentira dobrobit za širu zajednicu;
3. Prijedlog projekta jasno dokazuje održivost projekta nakon njegove realizacije;
4. Prijedlog projekta uključuje žene, mlade i pripadnike ranjivih kategorija⁷ na odgovarajući i prilagođen način;
5. Prijedlog projekta uključuje druge aktere (pravna lica i pojedince) iz lokalne zajednice kroz volonterski rad, nabavku dodatnog materijala i slično, što se dokazuje dostavljanjem Izjave o partnerstvu sa drugim akterima;
6. MZ / OCD je za realizaciju prijedloga projekta osigurala dodatna finansijska sredstva u iznosu od minimalno 10% vrijednosti projekta (priložiti pismo podrške⁸ od davaoca sredstava), iz vlastitih ili budžeta JLS. Druga eventualna sredstva (privatnog sektora, lokalnih preduzeća, institucija, građana) koja treba da doprinesu poboljšanju efekata prijedloga projekta, će upotrijebiti neovisno od sredstava Projekta PREPS II.
7. Prijedlog projekta uključuje promociju projektnih aktivnosti kroz promociju malog granta.

Neprihvatljivi troškovi su:

Sredstva iz Projekta PREPS II se ne mogu koristiti za:

- sticanje profita;
- nabavku vojne opreme;
- nabavku opreme i usluga za podršku policiji ili drugim aktivnostima provedbe zakona;
- nabavku kancelarijske opreme;
- nabavku opreme za nadzor i praćenje;
- nabavku roba i usluga za podršku policiji i drugim aktivnostima usmjerene na provođenje zakona;
- nabavku opreme i usluga namijenjenih za pobačaje;
- nabavku luksuzne robe i kockarske opreme;
- nabavku opreme za modifikaciju vremenskih prilika;
- finansiranje privatnih ceremonija, zabava, proslava i troškova "reprezentacije";
- nabavku poljoprivrednih proizvoda, motornih vozila, farmaceutskih proizvoda, kontraceptivnih sredstava, korištene opreme, pesticida i vještačkih đubriva;
- nabavku robe ili usluga iz zemalja ili od snabdjevača koji se nalaze na USAID-ovoj konsolidovanoj listi zabranjenih, suspendiranih ili nepodobnih podugovarača. Lista se može naći na internet stranici System for Award Management (SAM) at <https://www.sam.gov> ili na U.S. Department of Treasury Office of Foreign Assets (OFAC) <http://sdnsearch.ofac.treas.gov/Default.aspx>;
- finansiranje prethodnih obaveza i/ili dugovanja ili kazni koje su određene primatelju granta;
- nabavku alkoholnih pića;
- finansiranje građevinskih radova;
- naknade za koordinatore projekata ispred MZ / OCD i učesnika u realizaciji malih grantova;
- provođenje aktivnosti na privatnom posjedu;
- nabavku opreme ili usluga za aktivnosti koje nisu neophodne za postizanje ciljeva granta utvrđenih kroz projekat PREPS II.

⁶ Samo u slučaju projektnih prijedloga partnerskih MZ

⁷ Pojam „ranjive kategorije“ u ovom dokumentu uključuje osobe s posebnim potrebama i invaliditetom, osobe starije životne dobi, djecu.

⁸ Kao relevantna dokumentacija će se prihvatiti ugovori ili sporazumi s pravnim licima, odnosno potpisane izjave od strane fizičkih lica koji jasno definišu visinu sredstava koje dodjeljuj (pismo podrške).

UVJETI DODJELE MALIH GRANTOVA⁹

Pored navedenih eliminatornih kriterija za dodjelu malih grantova, OCD moraju dostaviti slijedeće dokumente kojima dokazuju da ispunjavaju uslove za učešće u procesu:

- kopiju rješenja o upisu u registar udruženja i fondacija koji se vodi na nivou Bosne i Hercegovine, Federacije BiH, Republike Srpske;
- kopiju akta o osnivanju odnosno Statuta (samo dio koji se odnosi na ciljeve i djelatnosti);
- dokaz da se u okviru svog djelovanja aktivno bavi nekim od pitanja iz oblasti smanjenja rizika od prirodnih i drugih nesreća i katastrofa (sprječavanje i upravljanje rizikom od nastanka kriza i prirodnih katastrofa, jačanje lokalnih kapaciteta za smanjenje rizika od katastrofa, izgradnja kulture prevencije rizika i podizanje svijesti o potrebama jačanja spremnosti i otpornosti zajednica i pojedinaca na katastrofe) sa fokusom na pripravnost i prevenciju, rad i promovisanje zaštite životne sredine i smanjenja negativnih uticaja klimatskih promjena i zaštita i spašavanje;
- dokaz da je aktivna, pregled realizovanih projekata i aktivnosti iz djelokruga ranije navedenih oblasti u proteklih 5 godina;
- kopija završnog godišnjeg finansijskog izvještaja za prethodnu godinu (dokument bilans stanja i bilans uspjeha);
- dokaz o posjedovanju bankovnog računa.

Pored navedenoga, subjekti (pojedinci, organizacije ili njihovo ključno osoblje, dioničari, direktori ili partneri) će se automatski smatrati nepodobnim za prijem malog granta ukoliko se nađu na bilo kojoj od sljedećih popisa subjekata i pojedinaca pod zabranom:

- **System for Award Management (SAM):** (www.sam.gov) (subjekt ne smije imati aktivno isključenje);
- **The Specially Designated Nationals (SDN) and Blocked Persons List maintained by the U.S. Treasury for the Office of Foreign Assets Control, referred to as the "OFAC List"** (online at: <http://www.treasury.gov/resource-center/sanctions/SDNList/Pages/default.aspx>); i
- **The United Nations Security designation list** (online at: <https://www.un.org/securitycouncil/content/un-sc-consolidated-list>).

Prije odobrenja malih grantova CRS će provjeriti primatelje na navedenim stranicama.

OCJENJIVANJE PRIJEDLOGA PROJEKTA

U skladu sa gore opisanom procedurom za dodjelu malih grantova, ukoliko su ispunjeni eliminatorni kriteriji, komisija formirana za projekat PREPS II će pristupiti razmatranju i ocjenjivanju prijedloga projekata prema kriterijima za bodovanje prikazanim u donjoj tabeli. Prijedlog projekta koji ne ostvari minimalno 50 bodova ne može se staviti na rang listu, sa koje će biti izabrana 4 prvorangirana. Komisija zadržava pravo da za projektne prijedloge koji ostvare minimalno 40 bodova donese odluku da iste vrati na doradu sa rokom korekcije od 7 radnih dana.

U narednoj tabeli dat je opis kriterija po kojima će se evaluirati i ocjenjivati projektni prijedlozi:

OPIS KRITERIJA I OCJENE		
Eliminatorski kriteriji:	DA	NE
Prijedlog projekta uključuje aktivnosti na jačanju kapaciteta i smanjenju rizika od prirodnih i drugih nesreća i katastrofa		
Prijedlog projekta je u skladu sa Akcionim planom izrađenim od strane MZ ¹⁰		

⁹ Samo za OCD

¹⁰ Samo u slučaju projektnih prijedloga partnerskih MZ

U okviru prijedloga projekta je dostavljena sljedeća dokumentacija: <ul style="list-style-type: none"> - Aplikacioni obrazac sa budžetom, - Dokaz o registraciji (za OCD), - Kopija akta o osnivanju odnosno Statuta (za OCD), - Dokaz da se u okviru svog djelovanja aktivno bavi nekim od pitanja iz oblasti smanjenja rizika od katastrofa (za OCD) - Kopija završnog godišnjeg finansijskog izvještaja (za OCD), - Dokaz o posjedovanju bankovnog računa (za OCD) 		
Dostavljen pregled realizovanih projektnih prijedloga i aktivnosti iz djelokruga ranije navedenih oblasti u proteklih 5 godina (za OCD)		
Predloženi budžet projektnog prijedloga je realan, jasan i u okviru raspoloživih sredstava i sadrži pojašnjenja stavki, te je podržan odgovarajućom pratećom dokumentacijom (predmjerom radova / specifikacijom opreme, te predračunom koji dokazuje realnost procijenjenog budžeta		
Prijedlog projekta uključuje minimalno 20 učesnika		
Realizacija aktivnosti malog granta ne traje duže od 30 dana		
Mali grantovi neće imati negativan uticaj na životnu sredinu i zdravlje ljudi		
Ukoliko su svi odgovori „DA“ pristupa se daljnjoj evaluaciji		
DODATNI KRITERIJI	Ocjena	
KRITERIJ 1: PRIJEDLOG PROJEKTA JE U SKLADU SA POTREBAMA I PRIORITETIMA EVIDENTIRANIM U AKCIONOM PLANU MZ, MAKSIMALNO 30 BODOVA		
Prijedlog projekta podržava aktivnosti iz Akcionog plana. Svaka aktivnost iz Akcionog plana nosi po 10 bodova .		
KRITERIJ 2: PRIJEDLOG PROJEKTA JE KORISTAN ZA ŠIRU ZAJEDNICU, MAKSIMALNO 10 BODOVA		
Prijedlog projekta je koristan za građane jedne mjesne zajednice. (5 bodova)		
Prijedlog projekta je koristan za građane dvije ili više mjesnih zajednica. (10 bodova)		
KRITERIJ 3: ODRŽIVOST PROJEKTA, MAKSIMALNO 10 BODOVA		
Prijedlog projekta je održiv u smislu budućeg upravljanja i održavanja, što je jasno opisano u samom prijedlogu. (10 bodova)		
KRITERIJ 4: PRIJEDLOG PROJEKTA UKLJUČUJE ŽENE, MLADE I PRIPADNIKE RANJIVIH KATEGORIJA NA ODGOVARAJUĆI I PRILAGOĐEN NAČIN, MAKSIMALNO 15		
Prijedlog projekta sadrži aktivnosti koje će doprinijeti jačanju otpornosti i spremnosti na prirodne i druge nesreće i katastrofe pripadnika ranjivih kategorija. (5 bodova)		
Prijedlog projekta sadrži aktivnosti koje uključuju žene i mlade. Svaka aktivnost nosi po 5 bodova .		

KRITERIJ 5: UKLJUČENOST DRUGIH AKTERA, MAKSIMALNO 20 BODOVA	
Prijedlog projekta uključuje učešće samo građana mjesne zajednice. (5 bodova)	
Prijedlog projekta osim stanovnika MZ uključuje učešće drugih aktera (lokalne firme, institucije, opština, OCD, vjerske institucije itd.) iz lokalne zajednice, u naturi (materijal, radne mašine, radnu snagu, logističku podršku). Svaki dodatni akter nosi po 5 bodova .	
KRITERIJ 6: DODATNO SUFINANSIRANJE, MAKSIMALNO 10 BODOVA	
MZ / OCD je za realizaciju prijedloga projekta osigurala dodatna finansijska sredstva iz vlastitih ili budžeta Grada. (10 bodova)	
KRITERIJ 7: PROMOCIJA PROJEKATNIH AKTIVNOSTI, MAKSIMALNO 5 BODOVA	
Prijedlog projekta uključuje jasno definisane promotivne aktivnosti u okviru malog granta (lokalni mediji, organiziranje završne ceremonije, objavljivanje na elektronskim medijima, web stranicama itd.) (5 bodova)	

SUKOB INTERESA

CRS zadržava pravo da tokom kontrole i realizacije malih grantova istraži zahtjev ili grantove zbog bilo kojeg stvarnog ili percipiranog sukoba interesa. Zaposlenici CRS-a ili članovi RG mogu biti u sukobu interesa ako on / ona ili druga osoba pod njegovom odnosno njezinom nadležnošću ima direktni ili indirektni, lični, finansijski ili neki drugi interes od ishoda postupka dodjele granta kao što su dodjela, izmjena ili prestanak granta. U slučaju da CRS utvrdi postojanje sukoba interesa, Komisija za dodjelu malih grantova može diskvalificirati prijedlog projekta ili ukinuti dodijeljeni grant.

OBJAVA POZIVA MJESNIM ZAJEDNICAMA I/ILI LOKALNIM OCD

Poziv je otvoren od dana objavljivanja, 26. 02. 2024. godine do 10. 03. 2024. godine do 15:00 sati. Aplikacije koje budu pristigle poslije navedenog roka neće biti razmatrane. Poziv za konkretnu podršku je objavljen javno i transparentno na službenoj web stranici Grada, i biće izravno upućen u MZ i OCD, gdje je to moguće. Aktivnosti odabranih malih grantova MZ/OCD trebaju biti završene do 03. 07. 2024. godine.

Aplikacioni obrazac sa budžetom/proračunom i detaljnije informacije o dodjeli grantova dostavljaju se uz ovaj poziv CRS-u. Sva pitanja i pojašnjenja koja se tiču ovoga poziva za male grantove trebaju biti dostavljena na e-mailove: dzennana.memisevic-panjeta@crs.org, semir.macic@crs.org, nera.haljevac@crs.org. Pitanja se mogu postavljati do 07. 03. 2024. godine.

MZ i OCD trebaju dostaviti popunjeni aplikacioni obrazac (jedan printani primjerak), te ostale zahtijevane dokumente navedene u pozivu i to poštom u zatvorenoj koverti ili skenirano na gore navedene e-mailove sa naznakom ili predmetom "Aplikacija za dodjelu grantova za (naziv MZ) i/ili (naziv OCD), Grad Konjic - Projekat PREPS II" na adresu:

Catholic Relief Services (CRS)

Zagrebačka 18,
71000 Sarajevo